

FEDERALNO MINISTARSTVO PROMETA I KOMUNIKACIJA

132

Na osnovu člana 8. stav 6. Zakona o cestovnom prijevozu Federacije Bosne i Hercegovine ("Službene novine Federacije BiH", broj 28/06), federalni ministar prometa i komunikacija donosi

PRAVILNIK

O IZMJENAMA I DOPUNAMA PRAVILNIKA O PREVENTIVNIM TEHNIČKIM PREGLEDIMA MOTORNIH I PRIKLJUČNIH VOZILA

(Službene novine FBiH, br. 11/09, 23.02.2009.)

Član 1.

U članu 17. stav 1. Pravilnika o preventivnim tehničkim pregledima motornih i priključnih vozila ("Službene novine Federacije BiH", br. 51/06 i 79/06) broj "7" zamjenjuje se brojem "10" i dodaje riječ "radnih".

Član 2.

Član 19. mijenja se i glasi:

"Podatke o izvršenim preventivnim pregledima vozila stanica tehničkog pregleda evidentira u registar obavljenih tehničkih pregleda na način propisan članom 19b. Pravilnika o tehničko-eksploatacionim uslovima za vozila kojima se obavljaju pojedine vrste prevoza."

Član 3.

Iza člana 19. dodaje se novi član 19a. koji glasi:

"Član 19a.

Prilikom obavljanja periodičnog tehničkog pregleda, kontrolor upisuje u kontrolni list vrijednosti i utvrđeno stanje ispravnosti sklopova i uređaja vozila za koje nema odgovarajući ispis mjernih vrijednosti sa mjernog uređaja ili dijela opreme stanice tehničkog pregleda.

Kontrolni list sastavlja voditelj stanice tehničkog pregleda u zavisnosti od vrste vozila koje se pregleda.

Kontrolni list se uz ispise rezultata mjerenja sa mjerne opreme odlaže u poseban registrator.

Ukoliko se pregledom utvrdi da je vozilo tehnički ispravno, stanica tehničkog pregleda izdaje Potvrdu o obavljenom periodičnom tehničkom pregledu vozila.

Potvrda sadrži jedinstveni serijski broj i izdaje se na obrascu formata A5, žute boje sa elementima zaštite i služi kao dokaz o obavljenom periodičnom pregledu vozila i za vrijeme obavljanja prijevoza mora se nalaziti u vozilu.

Stručna institucija obezbjeđuje obrasce Potvrde sa elementima zaštite, distribuira ih stanicama, vodi evidencije i mjesečno izvještava Federalno ministarstvo prometa i komunikacija.

Potvrdu može potpisati i svojim faksimilom ovjeriti voditelj stanice tehničkog pregleda.

Oblik i sadržaj Potvrde dat je u Prilogu 1 ovog Pravilnika i čini njegov sastavni dio."

Član 4.

U članu 20. st. 1., 2. i 5. brišu se.

Stav 3. mijenja se i glasi:

"Stanica tehničkog pregleda će za neispravno vozilo popuniti i izdati stranci obrazac Zapisnika o periodičnom pregledu vozila."

Dosadašnji st. 3. i 4. postaju st. 1. i 2.

Član 5.

Karton izvršenih preventivnih tehničkih pregleda kojeg je stanica tehničkog pregleda vozila izdala do dana početka primjene ovog Pravilnika važi do isteka roka naznačenog na posljednjem obavljenom periodičnom pregledu tog vozila.

Član 6.

Ovaj Pravilnik stupa na snagu osmog dana od dana objavljivanja u "Službenim novinama Federacije BiH".

Broj 06-02-1-187/09
9. februara 2009. godine
Sarajevo

Ministar
Nail Šećkanović, s. r.

Prilog 1.

No: PREV 00000000

(Naziv i adresa stanice tehničkog pregleda)

(Evidencioni broj)

(Jedinstveni identifikacioni broj oznake vozila ili vrsta vozila)

Na osnovu člana 8. stav 3. Zakona o cestovnom prijevozu Federacije Bosne i Hercegovine („Službene novine Federacije BiH“, broj 28/06) i člana 19a. Pravilnika o preventivnim tehničkim pregledima motornih i priključnih vozila („Službene novine Federacije BiH“, br. 51/06, 79/06 i xx/0x) izdaje

**POTVRDU
o obavljenom periodičnom pregledu vozila**

Kojom se potvrđuje da pregledano vozilo udovoljava uslovima propisanim Pravilnikom o preventivnim tehničkim pregledima motornih i priključnih vozila, Pravilnikom o dimenzijama, ukupnoj masi i osovinskom opterećenju vozila, uređajima i opremi koja moraju da imaju vozila i osnovnim uslovima koje moraju da ispunjavaju uređaji i oprema u saobraćaju na putevima.

Vlasnik/korisnik vozila: _____
Sjedište/Prebivalište: _____
Vrsta vozila: _____, Marka vozila _____
Model vozila _____, Tip vozila: _____
Reg. oznaka _____, Broj šasije _____
Godina proizvodnje _____, Broj sjedišta: _____
Nosivost: _____, Broj pređenih km: _____
Potvrda važi do pređenih km _____ ili najduže do _____ god.

U _____ dana _____.

POTPIS I PEČAT VODITELJA STANICE

M.P.